

明史攷證攬逸

九五

蘇氏藏書

明史攷證擴逸卷十二

長洲王頌蔚編集

列傳第六十

羅亨信傳父喪歸葬○按亨信先已聞父喪因軍務方殷暫留視事及王驥等敗敵黑泉始命馳驛歸葬見黃佐所撰傳

侯璉傳副侍郎章敞使交趾○按章敞之使安南以敕黎利子黎麟權署國事在宣德九年見明實錄

景泰初<sub>至</sub>遣兵攻敗都盧水西諸賊○按苗叛始於正統十四年四月維時王驥甫自雲南班師遂命往討侯璉與田禮之捷則在景泰元年五月此俱以景泰

初統之蓋就其成功言也

楊寧傳閩浙盜起○按明實錄正統九年七月處州賊葉宗留劫銀礦殺參議竺淵十三年八月福建賊鄧茂七作亂傳所云閩浙盜起當指此

王來傳六尚書悉罷來歸○按識大錄景泰欲廢東宮立子見濟爲太子太監王誠舒良請先賜諸臣金又命皆兼保傅等官支二俸以悅之京師爲之語曰一朝盡保傅六部兩尚書王來時亦與焉其歸也蓋以此

孫原貞傳置雲和宣平景寧四邑

四改三

○按一統志雲

和宣平景寧三邑皆於景泰二三年分置卽原平處

州賊後所經理也考之地理志亦同

孫原貞附傳嘗爲浙江右布政使○按張憲由進士厯考功員外郎中凡十四年出爲山東參政其爲浙江布政也常以鎮守中官貪橫置之於法後由順天府尹授工部侍郎見費宏所撰墓志

朱鑑傳都指揮李端擊卻之○按本紀瓦剌之掠河曲雁門在是年五月其時拒敵者爲郭登所云都指揮李端蓋偏師也

楊信民傳以王直薦擢廣東左參議○按信民官廣東時民有以公事待詢者所司欲繫諸獄信民曰彼無罪姑遣之去及期自來可也民感其德無不至見正

濬所撰碑

馬謹傳尋與善破淇谿諸寨○按謹破淇谿諸寨在景泰元年其破青肺山蠻則二年事俱見明實錄

程信傳上言五事○按信所言五事一曰新號令二曰募勇敢三曰急勤王四曰設五備五曰養銳氣見劉珣所撰墓志

改左僉都御史巡撫遼東○按信巡遼時守將董興爲曹欽姻家信力裁抑之爲之斂戢見琬琰錄

白圭傳湖廣災就命圭巡撫○按白圭官湖湘時嘗江風作圭神色不動比抵岸而舟溺見雷禮所撰傳

張瓚傳請設安寧宣撫司○按地理志安寧宣撫司成

化十三年置領懷遠宣化二長官司傳類敘於十年之下

孔鏞傳郡蠻震懾

郡改羣

孔鏞附傳嘗與鏞共平徭亂

徭改徭

鄧廷瓚傳貴州新設程番府○按地理志程番府成化十二年三月卽定番州故地置

遂設府一日都勻○按設都勻府在弘治七年見地理志

列傳第六十一

楊洪傳遇敵輒身先突陣○按洪於永樂十七年有泥河之捷洪熙元年從薛祿征大松林有功見陳循所

明史十二  
三  
撰碑

也先傳帝命趣開門○按土木之役也先從宣府北去  
洪以閉城不追逮繫下獄是年十月以敵眾逼京師  
乃出洪獄令自効見獻徵錄與傳互異

洪久居宣府○按洪鎮宣府時軍中苦乏孳生馬嘗質  
子女以償洪命以馬散牧於野數年之間馬遂繁息  
又嘗陶磚石以葺城堡見琬琰錄

石亨傳至箭谿山敗兀良哈眾○按三衛列傳正統十  
四年兀良哈盜邊石亨擊敗之箭谿山此作箭谿山  
互異

亨單騎奔還降官○按是年八月亨與楊洪俱下獄十

月以于謙薦起用見明實錄此但言降官而不載其逮繫

論功亨爲多○按是役也亨追擊也先至清風店遣諜誘之來攻又大敗之見琬琰錄

數興大獄○按是時下獄者尙有李賢徐有貞皆以亨泣訴不得已從之繼因風變賢與有貞得釋見明實錄

恭順侯吳瑾謬對曰至帝領之○按是時與瑾同侍側奏對者尙有撫寧伯朱永見獻徵錄

亨旣權侔人主而從子彪亦封定遠侯驕橫如亨○按封爵考載亨生子甫彌月英宗命抱之進見以金鎖



鎖兒項并云行當與卿結姻亨謝不敢其驕橫如此

石亨附傳明年寇二萬騎入掠安邊營

年下刪寇字增正月保喇四字

斬鬼力赤追出塞

刪上四字追下增奔字

○按外國傳鬼力赤篡

坤帖木兒自立在洪武末年至永樂閒阿魯台殺之而迎立元裔本雅失里爲汗傳云斬鬼力赤誤考明實錄天順三年正月孛來入安邊營僉事周賢指揮李鑑戰死旋爲石彪所敗亦未言所斬何人是入寇者孛來非鬼力赤也

郭登傳也先擁帝北去

至

登與安及侍郎沈固給事中

孫祥知府霍瑄等出謁○按識大錄載是年十月也先挾英宗至大同知府霍瑄由水竇出謁英宗乃密

諭登毋開城門是登未嘗出謁袁彬亦未入城與傳  
互異

朱謙傳寇三百騎入石烽口

烽改峰

○按地理志作石峰

朱謙附傳而永率大軍由西路出榆林○按朱永與王  
越皆結交汪直東伐之役越恨永不與偕故給永出  
西路無功見王越傳王世貞所撰永傳亦同

永乞解兵柄○按是時永方治第有優伶阿丑者於上  
前裝爲楚歌曰張子房一歌而散楚兵六千人旁人  
曰楚兵八千何少二千對曰其二千在保國公第作  
役耳於是永懼罷役且辭兵柄見王世貞別集

關中大震○按是年四月火篩犯固原八月大掠韋州

明史紀事本末 卷五  
萌城又犯寧夏東路九月乃招史琳還以秦紘代之  
見本紀傳所云關中大震蓋指此

孫鏜傳天順初甘肅告警詔鏜充總兵官帥京軍往討

初改

○按曹吉祥之叛在天順五年七月是年六月

保喇入河西官軍敗績故命鏜往見明實錄

### 列傳第六十二

巫凱傳代朱榮鎮遼東○按朱榮傳洪熙元年佩印鎮  
遼東其年七月榮卒於鎮凱之代榮蓋卽其時

巫凱附傳義字敬方○按識大錄曹義父勝指揮僉事  
義弱冠襲父職扈蹕出征擢都指揮僉事

累功至都督僉事○按識大錄義捕梅花洞賊咸底靖

謚擢中府都督僉事

凱卒代爲總兵官○按識大錄正統元年義充遼東副總兵擊賊有功旋賜印爲正總兵

累官左都督○按識大錄義擊賊於羊腸口有功陞右都督復擊賊於遼河陞左都督

特封義豐潤伯○按識大錄義封豐潤伯勲號奉天翊衛宣力武臣階特進榮祿大夫食祿一千三百石推恩三代賜鐵券未幾以義年高不欲使居邊戍召還入見慰勞甚至賜羊酒居京師奉朝請久之以疾卒時天順庚辰正月也享年七十有一

聚亦封懷柔伯○按識大錄聚以禦敵有功故封懷柔

明倫彙編 家範典 卷一百一十五  
伯並食祿千一百石乃天順元年事也

累擢都指揮同知以義薦進都指揮使○按識大錄正統九年聚以都指揮征戰有功陞都督府僉事參將遼東尋進總兵都督

吏部皆言不當復襲世宗特許之○按吏部言不當復襲史未詳其原委考識大錄聚子榮嗣伯卒子鑑嗣伯坐法謫貴州立功赦復伯傳至燾乞嗣吏部以聚無他奇功幸封伯而孫鑑復犯法相傳數世在典爲濫請上裁定詔予之

魯鑑傳其先西大同人

西上加山字

劉寧傳勇敢善戰○按識大錄寧居邊三十年大小四

十餘戰皆多取勝

連戰敗之○按識大錄寧四戰皆捷斬獲甚眾自是威名大振

又追敗之小鶻鴿谷○按鶻鴿谷識大錄作鶻鴿峪並於鶻鴿峪下載霸王村此未敘

鎮甘肅○按識大錄作鎮守大同甘肅

下馬與諸部長坐舉策指畫○按識大錄寧以馬箠指畫宣布朝廷恩威始下馬與此微異

其長叱之退寧復坐與語○按識大錄酋首叱其酋退且留坐寧乃霽色文義較爲明晰

以五十八人爲隊○按識大錄作以五十人爲隊

十七年卒○按識大錄寧卒乃弘治十七年五月也

姜漢傳御史崔棟

棟改棟

○按御史崔棟本史無傳明書

及獻徵錄識大錄諸書亦無考惟萬姓通譜載嘉靖時有崔棟者庚戌進士蘇州人任監察御史與姜漢正同時據此棟字當係棟之訛

杭雄傳偕副將安國破敵岢嵐○按雄偕安國破敵斬首八十餘級獲馬千餘匹寇遂遁詳安國傳

### 列傳第六十三

劉玉傳討東苗

東上增貴字

力戰得出○按項忠傳毛忠乘勝奪其西北山幾破忽中流矢死劉玉亦被圍項忠斬一千戶以徇眾力戰

玉得出

仇鉞傳進都指揮僉事○按識大錄鉞進都指揮僉事  
時協守寧夏

聞變欲遁去○按識大錄載同事者多欲遁去文義較  
爲明晰

提其首躍馬大呼○按識大錄提其首號於市曰逆賊  
伏辜眾能從我乎富貴在須臾迷不悟者族無赦從  
者以萬數遂圍真鐔府較此爲詳

大學士楊廷和曰鉞必不從賊○按識大錄廷和曰不  
可追也仇游擊不命而自入豈背福而索禍其或以  
從中殪之易也使彼聞上大用之志將益堅反汗何



益祇棄良將資敵人耳較此爲詳

未至而參將馮禎戰死洛南賊益熾○按識大錄禎戰歿於河南賊勢大熾欲長驅向關中聞鉞先聲備十萬馬糴坐十萬人糧餉乃奔而北較此爲詳

移師會陸完共滅劉七等於江北論功進世侯○按識大錄劉七等爲官軍所敗走湖廣鉞襲破之於六安追至江南賊舟爲風雨所碎棲於狼山鉞分兵斷其歸路賊多溺死事平論功晉封咸寧侯較此爲詳

鉞上五事○按鉞上五事史但舉其一考識大錄又言鉞前後十三疏亦未臚列

值寇犯萬全河沙

河沙改沙河

○按地理志作沙河

年五十七○按識大錄鉞卒時辛巳五月也

神英傳巡撫余子俊築邊牆命英董役○按余子俊傳先是巡撫王銳請沿邊築牆建堡爲久遠計工未興而罷子俊上疏言於計爲便

楊銳傳蕭縣人嗣世職爲南京羽林前衛指揮使○按識大錄銳羽林衛人

六月丙子宸濠反○按識大錄丙子銳與臺院密議兵食繕皖城周城中多浚井

舟五十餘艘○按識大錄作二百餘艘並云設鉤距於江側艘抵岸爲鉤距所破

賊怒圍城數周○按識大錄賊怒乃駐兵攻城巨魁凌

十一先登銳引弓中其首其子繼登貫其吭而死

乃募死士夜劫賊營○按識大錄銳遣健卒突入岸上營舉火礮擊賊城中應之乘勝捕殺聲振數里

武宗大喜○按識大錄奏捷武宗下璽書褒之賜忠勤報國戰守奇功二榜

踰年卒○按識大錄銳卒乃壬辰八月也

列傳第六十四

李賢傳鄧人○按獻徵錄識大錄及名臣實錄皆云賢鄧州人

而帝益親賢顧問無虛日○按名臣實錄賢初賜第上章懇辭上曰聞卿舊第去朝頗遠特賜近居以便宣

召也遷居日有落成之賚

併議革冒功者四千餘人○按識大錄獻徵錄及名臣實錄皆作四千人

時論益大快之○按識大錄作由是愬者始息文義較爲明晰

大臣當知無不言可卷舌偷位耶○按識大錄賢曰古之大臣知無不言今雖不能盡然至於利害繫國家安危者豈可默默以苟位耶較此爲詳

而求直言以通閉塞○按名臣實錄賢又言自石亨等排黜臺臣言路閉塞遂止此極上悉報可下寬恤條而以開言路殿焉

其黨多投匿名書構賢○按識大錄門達之黨以達謫  
戍嶺表爲出賢意故有是舉

其年冬卒○按識大錄賢卒輟朝一日賜鈔一萬緡

呂原傳與侍講裴綸等十人同選入東閣肄業○按獻  
徵錄及識大錄皆言與狀元劉儼等十人同進東閣  
但十人亦未臚列又考商輅傳亦言商輅共劉儼等  
十人同進東閣

呂原附傳子憲○按獻徵錄原子男二長卽憲次日奎  
岳正傳正統十三年會試等一○按獻徵錄識大錄正  
統戊辰會試禮部同考誤填落卷侍講杜寧見之曰  
此我輩中人遂擢第一

何自至此○按獻徵錄識大錄此下有公不敢對時亨軌已不平二語此略之

帝許焉○按獻徵錄識大錄上曰汝可以朕意告之

留旬日○按獻徵錄識大錄作留閱月

彭時傳授修撰○按識大錄時授修撰時初謝恩以誤入朝被劾上唯命錦衣衛尋索而已

加太子少保○按識大錄作太子太保獻徵錄今獻備遺與此同

時言政本七事○按時言七事今獻備遺所載詞意微異

商輅傳臣嘗請優容言者○按獻徵錄識大錄此下有

召用羅倫已蒙嘉納二語史略之

進吏部尙書○按獻徵錄進吏部尙書時賜冠帶一品服

劉定之傳父授之書○按獻徵錄定之父髦以易魁江西鄉闈

五年卒官○按獻徵錄定之卒乃成化己丑八月也年六十有一

明史攷證擴逸卷十二

明史攷證攬逸卷十三

長洲王頌蔚編集

列傳第六十五

王翱傳以楊士奇薦擢御史○按獻徵錄識大錄名臣實錄皆云擢行在山東道御史

邊用以饒○按明書十數年間邊用充饒器械明利士皆飽煖願得一戰報翱逾年出塞大破敵較史爲詳及賢爲亨所逐亦以翱言留○按今獻備遺翱頓首曰賢與臣處久始終如此本分人也遂復賢內閣

稱先生不名○按獻徵錄明書皆云召對稱老王不名而翱年幾八十多忘○按獻徵錄名臣實錄時翱年七



十八

翱由是益多引北人○按名臣實錄姚夔所薦反翱往往右南人清譽稍不及翱

年富傳頃之石彪以前憾劾富○按彪劾富係倚亨勢故能中以危法見明書

卒賜諡恭定○按獻徵錄識大錄富卒時年七十天順八年四月也遣官諭祭命有司營葬事而明書並云輟朝追悼

屬吏黠者故反其意嘗之○按識大錄其屬作弊者知富多疑遇州郡奏災傷欲其準則言不可準欲其不準則言可準富反其所言而從違之多中其姦計

王竑傳血漬廷陛○按名臣實錄時內臣滌血儀長史  
曰勿滌爲若曹鑑俄遣都御史陳鑑籍振家并其黨  
頌聲大作○按獻徵錄淮之民謠曰生我者父母活我  
者巡撫凶年不流軍民安堵遂立生祠祀竑

比年饑饉薦臻人民重困○按此二語識大錄專指山  
東河南東昌開封抵江北徐淮而言

見正倫理篤恩義語感悟○按識大錄得竑疏有正倫  
理等語顧左右曰竑所奏多爲朕也乃命還河州

李秉傳尋改戶部主事○按改戶部主事識大錄獻徵  
錄在丁內艱除服之後

朝廷遣官市牛萬五千給屯卒○按識大錄獻徵錄秉

請白金三萬兩買牛

又劾總兵官紀廣等罪廣計秉自解○按劾紀廣及廣  
計秉史俱未詳何事考名臣實錄廣訴秉專權而獻  
徵錄又載秉奏都督紀廣參將楊能怠忽邊備能亦  
誣秉不法並未載及廣計秉事

帝令兩京官四品以上吏部具缺取上裁○按名臣實  
錄作三品以上

秉行官屬餞送皆欷歔有泣下者○按識大錄秉行時  
祭酒陳鑑以詩送之有古道自無三黜愠直臣又見  
一番歸之句

中外薦疏十餘上竟不起○按名臣實錄言官屢薦秉

而竟不起以大臣忌其方鯁之故

弘治二年卒○按獻徵錄秉卒時八十有二

姚夔傳桐廬人○按獻徵錄夔先世居汴宋南渡徙家桐廬

陳時政八事○按時政八事謂修聖德舉賢才考察有司慎選風憲寬誥敕之限革監庫之弊立諡法以勸賢銓教職於便地見獻徵錄

知府某以貪敗至遂止○按獻徵錄知府係眞定守未

詳姓氏並云同列附亨者令擬準稿來判夔擲筆大言曰吾寧不做侍郎必不判此稿事竟止亨敗附亨者降黜而夔之名益重較史爲詳

王復傳久之卒○按獻徵錄復之卒乃成化二十一年六月也年七十

林聰傳高穀胡濙力救○按識大錄廷臣畏文無敢違者胡濙獨毅然曰人臣以宿憾而欲殺諫官無乃不可乎不肯署奏牘拂衣而出曰公等自爲之歸遂稱疾上遣中使來問濙對曰老臣本無病聞欲殺林聰殊驚悸成疾耳商輅亦爲聰白狀上立釋之

葉盛傳乃會諸臣上疏○按識大錄所載疏語與史微異

列傳第六十六

項忠傳徒跣行七晝夜始達宣府○按獻徵錄忠達宣

府時足刺蒺藜數百不覺也

又疏鄭白二渠○按識大錄忠開疏鄭白渠於平地則度勢高卑而穿渠遇山巖則火鎔鑠而穿竇不二年而成名曰廣惠渠

乃命忠總督軍務○按獻徵錄守將寧遠伯任壽廣義伯吳琮巡撫都御史陳玠以失事逮詔獄乃命忠總督軍務此敘命忠總督在陳价等大敗之前未晰且獻徵錄作陳玠亦與此異

急擊下石城○按獻徵錄擊下石城時斬首八千級俘二千餘人

復招流民五十萬至戶選一丁戍湖廣邊衛○按識大

錄忠禽小王洪等二百三十九人斬首二千八百餘級驅出家者二萬八千九百三十二名內選壯丁充戍湖廣邊衛者五千餘人與史載數目不符

未幾西廠復設○按西廠復設史未詳其原委考獻徵錄識大錄時有御史戴縉附直祈進上書白其能奉法上惑之仍領廠事

贈太子太保○按明書作太子少保獻徵錄識大錄與此同

韓雍傳長洲人○按明書云吳縣人獻徵錄識大錄與此同

坐學士錢溥累貶浙江左參政○按識大錄學士陳文

忌之譖於閣臣李賢因而左遷與史互異

乃督兵十六萬人分五道○按識大錄雍以六萬八千人爲右軍以九萬二千人爲左軍

斬首三千二百有奇○按識大錄禽大狗等斬首四萬餘級

改名斷藤峽○按斷藤峽舊名大藤峽史僅載峽有大藤而未載大藤卽峽名也詳識大錄

鬱林陽江洛容博白次第皆定○按今獻備遺廣地悉平奏徙上隆州於峽內改隸潯州以土官岑鐸知州事設東鄉龍山二巡檢司以土人爲巡檢徙周沖巡檢司於峽之上水徙靖寧巡檢司於峽之下水增設



宣鄉黃江思隆三副巡檢皆以土人爲之置藤縣千戶

卒年五十七○按識大錄雍卒年五十三

余子俊傳拜右副都御史巡撫延綏○按獻徵錄子俊巡撫延綏時西夏有警廷議以爲子俊居陝久中外信服莫如用子俊遂拜右副都御史

凡築城堡十一○按名臣言行錄子俊邊牆之役堡有十二

歲得糧六萬石有奇○按獻徵錄作得糧十數萬石與此異並云以助經費自是榆林爲重鎮與寧夏甘肅鼎立而三矣

言東起四海治西抵黃河延袤千三百餘里○按四海治三字疑有錯誤考獻徵錄自東抵西宣府大同及偏頭關一千三百二十里亦與此微異

已又上邊防七事○按邊防七事一曰衛國之計二曰保民之計三曰弭盜之計四曰安民之計五曰選將之計六曰守隘之計七曰善後之計見獻徵錄

朱英傳俾其子孫世吏目○按識大錄俾其子孫世吏目餘黨悉爲編氓較史爲詳

其年秋卒○按識大錄英卒年六十八

秦紘傳兼右副都御史○按獻徵錄紘爲都御史時風采益峻劾罷御史姜紘輩臺綱肅然人謂有顧佐之

風

列傳第六十七

章懋傳以給事中毛弘等論救○按是時與毛弘同論救者爲御史陳莊見明實錄

及南監缺祭酒遂以懋補之○按懋在南監時有學政時政等宿弊二疏皆不報見獻徵錄

懋爲學恪守先儒訓○按懋與羅倫謝鐸莊景陳獻章爲一時間同志倫嘗立鄉約過嚴懋輒移書責之見獻徵錄

章懋附傳忤劉瑾下詔獄○按拯以決囚不覆於瑾瑾怒誣以復命遲慢遂有是謫見列卿記

嘉靖中累官工部尙書○按拯曾以副都御史撫鄖陽有振飢弭盜諸政濟寧河變改總理議疏支流築長隄乃濬曹沛自無汙阻與當事者議弗合見獻徵錄黃仲昭傳深子乾亨行人使滿刺加○按成化十四年命給事林榮與乾亨往冊滿刺加嗣王還抵洋嶼遭風溺海各廕一子入監爾後遂罷封使見識大錄莊景傳弘治七年有薦景者奉詔起用○按是時薦景者爲都督府經歷周廣榮先是冢宰王恕司寇張瑄侍郎朱德諸薦疏皆出部檄至是奉特旨景乃起見湛若水所撰墓志

乃復以爲行人司副○按景之起也謁吏部不拜尙書

耿裕延接甚恭或疑其倨景曰第求不失己官外物耳見獻徵錄

鄒智傳鄒常朝當侍班至盡倣先朝故事行之○按是時肅亦累疏劾安直等乃相繼罷見明實錄

竟謫廣東石城所吏目○按是時當事者坐智及肅概妖言惑衆論死刑部彭韶辭疾不判案乃獲免見獻徵錄

舒芬傳遂乞歸養不許○按是時江西大水決圩漂舍芬遂疏陳以身係獨子乞歸養見孫琛所撰行狀

世宗卽位召復故官○按正德十五年八月芬由謫所以外艱歸至嘉靖二年服闋乃應詔復官見獻徵錄

又按元年冬加芬及夏良勝汪應軫陳九川等俸各一級從給事中劉世揚之請也見明實錄

前者興國太后令旦至帝怒奪俸三月○按是時免命婦朝賀御史馬明衡朱淵亦交疏諫上以其妄言離間并逮治見明實錄

列傳第六十八

張寧傳授禮科給事中○按寧在景泰時尙有奏罷宛平等縣和買均派及劾陳循王文以子不中式屈陷考官二事見明書

詔寧同都指揮武忠往解○按朝鮮傳天順四年朝鮮王誘殺毛憐衛都督郎卜兒哈其子阿比車興兵復

讐朝議以曲在朝鮮降敕責之寧之奉使當以此

得旨會舉多私皆予外任○按是時岳正出爲興化知

### 府見明實錄

王徽傳其冬帝入萬妃譖廢吳后

冬改秋

○按明實錄吳

后於七月立八月廢傳云其冬未合

毛弘傳登天順初進士○按弘天順元年進士

朝罷弘倡言曰

朝罷改次日

○按合葬一事廷臣上疏爭者

百三十七人翼曰姚夔等又言之尙未決弘乃倡爲

伏哭之議是伏哭在上疏之次日非卽朝罷時也

邱弘傳天順末進士○按弘天順八年進士

李森傳御史謝文祥以劾姚夔下獄○按是時劾商輅

姚夔被杖者董旻胡深等共九人事在成化五年見  
明實錄

魏元附傳及是乃更迎合取寵○按永韶以星變迎合  
事在成化二十一年見明實錄

天順末進士○按胡深天順八年進士

鄭己○按己字克修見獻徵錄

孝宗時卒官四川參議改孝宗時官四川參議卒○按董旻於孝宗

時以劉大夏等言起官四川參議傳先書其卒而後  
及其官文義未協

強珍傳初遼東巡撫陳鉞啟疊召敵○按陳鉞以掩殺  
冒功激變事在成化十四年見明實錄



明實錄  
汪奎附傳罷天下巡撫○按是時各鎮守太監欲干預  
刑名政事怒巡撫官抑之故爲是請未幾仍復設見

湯鼐傳概嘗餽鼐白金貽之書○按鼐得概書甚喜徧  
示門客故魏璋得乘間疏劾見獻徵錄

湯鼐附傳成化末進士○按董傑成化二十三年進士  
姜綰附傳劉遜○按遜字時讓見獻徵錄

又欲損其歲祿改又歲祿不時給○按明實錄劉遜因岷王歲

祿不以時給爲王所奏而被逮非欲損其歲祿也

彭程傳成化末進士○按程成化十七年進士

降人雜處畿甸○按永樂時以迤北諸部降人分置畿

輔景泰初也先之變降人多有爲內應者于謙乃以法分編隨征諸軍中遠徙然未能盡也見大事記

葉紳傳爲太子立寄壇而興煖疏之說○按寄壇煖疏四字文義費解明實錄載紳原疏亦同李廣本傳及他書皆未記此事或當時建壇設醺廣等別爲太子立壇因擲此名並倣道流建齋拜疏之例立爲煖疏之稱以覲賞耳

列傳第六十九

徐溥傳成化十五年拜禮部右侍郎○按吳儼所撰行狀溥於辛丑由太常卿陞禮部左侍郎是時爲成化十七年雷禮王世貞禮部侍郎表亦云溥於成化十

七年任左與此互異

兼文淵閣大學士參預機務○按宰輔年表溥於孝宗卽位之十一月以吏部左侍郎兼學士入閣十一月晉禮部尙書兼文淵閣大學士與溥行狀悉合則溥於預機務之始但兼學士非兼大學士也

填以安靜

填改鎮

尋以災異求言○按明實錄孝宗八年三月辛亥以旱霾求直言是月甲子卽召見溥等傳云災異求言當指此而敘於御文華殿召見之後則互文也

邱濬傳成化元年兩廣用兵

至

賢善其計○按獻徵錄

列卿記並云天順七年兩廣用兵經年不決濬條列

事宜李賢代上之英宗嘉歎付所司舉行考征獠之役始於天順五年命顏彪爲將軍迄於成化元年韓雍破大藤峽濬之奏記係英宗時事或成化初又宣布之也

飛禽者三

三改

○按春秋飛禽之異惟六鵠退飛及鸛

鵠來巢二事此云飛禽者三誤列卿記獻徵錄諸書皆作二

踰年加少保○按宰輔年表濬於弘治七年八月改戶

部尙書武英殿大學士與獻徵錄列卿記合此失敘

年七十六

六改五

○按今獻備遺作年七十五以前文弘

治四年入閣時年七十一攷之則八年實七十五此

誤

劉健傳健等力諫僅寢祠額○按廣之自殺因太皇太后之怒後孝宗遣使至其家求異書得賄簿有黃米白米各千百石疑而問之左右曰黃者金白者銀也於是下法司按問行賂諸臣求救於壽寧侯張鶴齡始得寢見獻徵錄此云健等力諫僅寢祠額當在此事未發之先耳

大明會典成加少師兼太子太師吏部尙書華蓋殿大學士○按賈詠所撰墓志云會典成加少傅兼太子太傅戶部尙書謹身殿大學士癸亥加少師兼太子太師吏部尙書華蓋殿大學士考會典成於弘治十

五年冬癸亥爲十六年宰輔年表則以健之加少傅等官係之弘治十一年加少師等官係之十六年與此互異

時謂之八黨○按是時又名瑾等爲八虎見王世貞史料

武臣神英之負罪玩法○按神英以其子侵賣官馬贓餘千兩爲監督等官所劾下御史勘問英匿其子不赴鞫中旨免其究問止令罰俸故健等言及之見明實錄

而尙書韓文等疏復入○按韓文疏稿出自李夢陽見明實錄

謝遷傳屢加少傅兼太子太傅○按宰輔年表遷於弘治十六年二月晉太子太保禮部尙書兼武英殿大學士

李東陽傳弘治五年憲宗實錄成

五改四

○按明實錄弘

治四年八月憲宗實錄成又按楊一清所作墓志云辛亥實錄成遷太常少卿攷辛亥實弘治四年傳作五年係誤刊觀下文又稱五年可證

東陽前已加少師兼太子太師○按宰輔年表東陽於正德元年十二月晉少師兼太子太師吏部尙書華蓋殿大學士

五年春久旱

至

減死者止二人○按明實錄正德五年

三月下詔恤刑釋強盜私鹽之連坐及逃軍自歸者  
限三月內免罪於是李東陽等上疏因逃軍而推及  
王府之逃校因強盜私鹽而推及假銀偽印之緣坐  
俱批答允行至四月三法司等會審僅減死二人蓋  
維時冤獄衆多皆瑾所羅織故法司畏而不敢釋也  
寘鐮平○按寘鐮平於正德五年四月瑾誅於八月此  
繫於誅瑾之後蓋追敘也

河南賊平○按是年閏五月彭澤仇鉞討河南賊誅賊  
首劉惠趙鏐餘衆悉平見明實錄

王鏊傳明年加少傅兼太子太傅○按宰輔年表正德  
二年八月鏊晉少傅並改武英殿大學士



瑾銜尚書韓文必欲殺之○按瑾時勅爲罰米法逮韓文下錦衣獄罰米千石輸大同尋又羅織他事罰之文家業爲蕩然見明書

四年疏三上許之○按劉大夏下獄在正德三年九月  
鑒之罷在次年四月

劉忠傳以平寧夏功加少傅兼太子太傅○按明實錄  
安化王寘鐸之叛在正德五年四月旋卽爲仇鉞所  
執傳云平寧夏功蓋就其封邑言之也又按宰輔年  
表正德五年九月忠加少傅並改武英殿

明史攷證攬逸卷十三

明史攷證攬逸卷十四

長洲王頌蔚編集

列傳第七十

王恕傳平贛州寇○按是時黃蕭養餘黨越嶺寇贛恕等奉檄討平之見王世貞所撰傳

復討破其黨

刪討字

稍遷刑部右侍郎

改遷南京刑部左侍郎

○按獻徵錄恕撫河南

以襄陽功遷左副都御史轉南京刑部左侍郎父憂歸服除以刑部左侍郎治漕河考明實錄恕於成化七年十月自南京改官刑部總理河道傳作右侍郎又不言南京未免舛漏

能事立解○按是時能亦召還安置南京但未加罪耳

### 見明實錄

黔國以下咸惕息

國下增公字

當是時安南納江西叛人王姓者爲謀主

刪當字

林俊之下獄也

至

帝得疏不憚○按倭倖傳僧繼曉日

誘帝爲佛事建大永昌寺於西市逼徙居民數百家  
費國帑十萬員外郎林俊請斬繼曉以謝天下幾得  
重譴俊之下獄以此

建白者三十九○按獻徵錄作建白者二十九

通政經歷高祿○按周經傳作通政經歷沈祿

王恕附傳少子承裕○按承裕領鄉薦時年二十三恕

令其讀書之外間閱世務以期實用見蔡清虛齋集  
馬文升傳滿四之亂○按滿四又名滿俊事在成化四  
年六月至十一月討平之見明實錄

益禁抑中官總兵使不得腹削○按獻徵錄是時中官  
洪義總兵緱謙皆以腹削爲文升所裁禁傳所云中  
官總兵卽指此

又上言十五事悉議行○按文升所陳十五事有簡風  
憲重刑獄禁摭拾嚴考覈申命令廣儲蓄驅術士清  
僧道節財用諸條見明實錄

如衛聖楊夫人者○按王世貞異典述洪熙元年衛聖  
夫人楊氏夫蔣廷珪追封保昌伯謚莊靖考恩澤侯

表楊夫人蓋仁宗乳母也

已又上吏部職掌十事○按是時文升以汰冗員育人材惜民瘼清屯田重鹽法廣儲積撫流移革吏弊修武備慎刑獄共十事具奏見王世貞所撰傳

年已八十

已改且

○按獻徵錄作年且八十考文升登景

泰二年進士時年二十六計至弘治十四年代倪岳爲吏部尙書實七十七歲尙未八十也

劉大夏傳再陳兵政十害○按兵志劉大夏所陳十害大指謂十二團營操習之不時及兼領中官之占役冒伍諸弊維時李夢陽力言兵政大夏乃踵而言之大漢將軍薛福敬等四十八人亦當奪官○按兵志錦

衣所隸將軍初名天武後名大漢將軍凡千五百人  
劉宇亦憾大夏○按閹黨傳宇撫大同私市善馬賂權  
要大夏因孝宗召見語及之宇之憾大夏以此

都御史屠蒲持不可○按廣西土司傳弘治時廷議以  
岑猛世濟凶惡降福建千戶而以謝湖爲右參政掌  
府事猛遷延不行尋重賂劉瑾得旨留猛而禡湖并  
及前撫潘蕃劉大夏又按王鏊傳瑾欲以激變坐大  
夏死鏊爭曰猛未叛何名激變則爭大夏獄者不獨  
屠蒲也

大夏歸教子孫力田謀食○按大夏官京師時有李某  
者併其世產族人走書告大夏舉尙書詹同舊詩批

其尾曰四鄰侵我我從伊畢竟須思末有時卒弗與  
校見維風編

列傳第七十一

何喬新傳給事中林聰等劾文淵儉邪○按景泰四年  
六月何文淵下獄以王翱代考王翱傳云文淵協王  
直掌銓多私爲言官攻去與此傳語合

嘗薦黃珌且代草易儲疏○按明實錄黃珌易儲疏教  
之者爲侍郎江淵又按江淵傳亦云珌奏劾淵主之  
頌蔚按江淵傳云初黃珌之奏易儲也或疑淵主之  
邱濬曰此易辨也廣西紙與京師紙異素奏視之果  
廣西紙其誣乃  
白其語與此異據此則代草疏者非揭稽也

錦衣衛卒犯法捕治不少貸○按獻徵錄戎卒驅武清

婦所牧牛去錦衣捕者執爲強盜喬新以爲白晝奪人物非強盜又有強盜以所劫物遺逆舍主翁巡徼者執爲同盜喬新以爲殊科

偕參將支玉伏兵灰溝營擊斬甚衆○按外國傳是時亦思馬因屢入邊巡撫邊鏞與支玉悉力悍禦而喬新灰溝之戰則不載與傳異

彭韶傳錦衣指揮周彧至命韶偕御史季琮覆勘○按明實錄命韶等勘田事在成化五年先是四年周彧已求武強武邑地六百餘頃至是又欲於其外籍民田故特命韶琮覆勘

最後梁芳第錦衣鎮撫德○按鄭曉所撰傳錦衣鎮撫



梁海廣州人爲太監芳弟與傳中名德互異

周經傳議請坐聽○按請太子坐聽講官跽講者爲閣臣萬安

倪岳傳尋改岳南京兵部○按明南畿志岳嘗議禮以德祖爲始祖又嘗議罷加稅江南其弟阜亦舉進士官布政

近歲毛里孩阿羅忽孛羅出虜加思蘭大爲邊患○按毛里孩阿羅忽虜加思蘭等於成化中大舉深入王越紅鹽池擊破後得息者數年至弘治初小王子和碩等連兵河套勢又熾

閔珪傳進廣東按察使○按珪按察廣東時處決庾嶺

南雄南安三境爭田事民變不動又平新會民嘯聚  
爲亂見獻徵錄

戴珊傳進南京刑部尙書久之召爲左都御史○按珊  
進南京刑部尙書在弘治九年召爲左都御史在十  
三年

列傳第七十二

周洪謨傳因陳時務十二事○按十二事一曰察吏治  
以示勸懲二曰撫流民以防姦宄三曰興學校以敦  
風化四曰慎科舉以求真才五曰止科斂以恤貧窮  
六曰均賦役以甦凋瘵七曰糾武職以足兵食八曰  
肅軍令以止劫奪九曰謹防巡以禦寇賊十曰恤吏

員以廣仁惠十一曰省虛費以節民財十二曰設方略以遏橫暴景泰命廷臣采而行之見明實錄

楊守陳傳尋進侍講學士○按鄭曉名臣記守陳爲侍講學士時或諷當援有力者謝曰我抱節三十年今改志耶

修憲宗實錄充副總裁○按獻徵錄憲宗升祔禮官議禮守陳言宜別立廟以祀德懿熙三祖廟仁祖以下爲七廟太祖南向位爲萬世不祧之祖時爲知禮者所避

張元禎傳元禎亦卒○按憲章錄元禎晚年以纂修再出務爲貶抑言官詆其營求竟歿京邸時爲正德元

年十二月也明年九月其子案奉以歸

傳珪傳瑾惡之謂會典成於劉健等多所糜費鐫與修者官降珪修撰○按獻徵錄劉瑾柄政摘會典訛字降珪修撰與傳小異

極陳時弊十事○按明實錄載珪原疏無時務十事之文其疏末但云敕內外文武羣臣勤恤民隱愛養軍士伸冤抑之獄裁祈請之煩貴近皆裁以法及擇日齋戒祭告而已傳云十事當卽指此

吳儼傳儼峻拒之瑾怒○按獻徵錄儼主順天鄉試因劉瑾恃寵招權以爲臣不易命題瑾心惡之繼又峻拒益媒蘖

顧清傳乃以爲南京禮部右侍郎○按時多忌清者王  
鏊作風聞論雪之南北臺諫程英朱光等四十餘人  
及撫按各上章論薦乃起南京禮部侍郎事見獻徵  
錄

劉瑞傳由南太常卿就遷禮部右侍郎○按雷禮所撰  
傳瑞由南京光祿卿進太常歷禮部侍郎歿之日無  
以爲歛至隆慶元年從孫侍御翱奏得賜諡

列傳第七十三

李敏傳敏再疏求去帝慰留之○按獻徵錄敏嘗言鹽  
課爲國用所資比歲法壞宜簡命風憲大臣理之詔  
如其議

李敏附傳葉淇字本清山陽人○按獻徵錄淇其先金華人宋宰相衡之後祖士濂洪武初戍淮爲淮安衛人

乞休歸卒贈太子太保○按獻徵錄淇初以疾告命醫診視遣中官禮問於家疾再作具疏乞休詔許給驛歸鄉卒年七十六遣官諭祭命有司營葬如制

曾鑑傳閏正月致仕旋卒○按獻徵錄致仕後進階榮祿大夫卒賜祭葬

梁璟傳請起致仕尙書王竑李秉○按獻徵錄薦致仕尙書王竑都御史高明可用與此互異

致仕歸卒○按獻徵錄璟卒乃弘治壬戌七月年七十

三

黃珂傳珂封上其檄因陳便宜八事○按八事史未詳載考獻徵錄作寧夏城中有慶王在內人效忠義者多請早出兵以伐其謀而奪之氣固原官兵宜過河防守請增設憲臣總制軍務嚴守備飭兵馬定召募賞格選州縣民兵以助王師赦何錦丁廣部下以開自新之路速賞近日有功官軍以勵人心

以年至乞休歸卒贈太子少保○按獻徵錄珂歸時賜敕給驛仍命有司月給廩三石輿隸歲三人珂喜曰吾幸完吾名矣何以爲報卒年七十有四命禮部諭祭者再工部治塋域

叢蘭傳蘭因清寧宮災疏陳六事○按六事一惜人才  
一慎舉措一恤畿民一撫邊戎一警怠玩一杜貪殘  
見獻徵錄

及河南歲祲至蘭遣指揮石堅知州張思齊等擊斬之  
○按獻徵錄蘭斬俘二千餘人溺而死者數萬振濟  
所全活者又十二萬六千八百餘人撫釋脅從男婦  
幾六百人

召還理部事○按獻徵錄師還時老稚攀留爲立生祠  
還朝論功並蔭一子爲太學生

列傳第七十四

韓文傳救荒如救焚○按救荒如救焚下獻徵錄有民



明倫彙編 家範典 第四  
命在旦夕安能忍死以待二語

文條鹽政夙弊七事○按名臣實錄識大錄云一開閩中引鹽二興販私鹽三賤賣官鹽四買補殘鹽五夾帶殘鹽六越境市鹽七轉運乏人

韓文附傳顧佐字良弼臨淮人○按獻徵錄佐臨淮人其先本吳人

出理陝西軍食○按佐出理陝西軍食時孝宗命佐兼都御史往莅之召至御榻前慰勞賜以白金文綺有如朕親行之語且顧近侍紀之見獻徵錄

三罰米輸塞上○按佐三罰米輸塞上史未詳其原委見獻徵錄

卒贈太子太保○按佐卒乃正德丙子十一月年七十有四命有司造葬遣官諭祭事詳獻徵錄

累擢至浙江右布政使○按獻徵錄陳仁卒於正德甲戌三月年六十有一

張敷華傳宦官勢益張至除夕朝罷忽傳旨與楊守隨俱致仕○按獻徵錄識大錄宦官勢益張及傳旨致仕卽專指劉瑾而言是時瑾用事側目正人猶忌敷華將中以危法因有是舉故下文有瑾恨未已之語許進傳擢右僉都御史巡撫大同○按今獻備遺進巡撫大同時上備邊四事曰定策應備戰具修塹牆築屯堡

會進與分守中官石岩相訐岩徵還進亦謫兗州知府  
○按明書進劾內臣石岩刻餉撓軍政爲岩所誣詆  
因而被謫

應詔陳時政八事○按八事爲恤邊軍寬邊民專主守  
平輸納復軍糧便接遞去無益革冗員見今獻備遺  
許進附傳並謫誥全州判官○按獻徵錄識大錄進風  
采凝重劉瑾忌之乃欲誥納交以通誥出入書堂絕  
跡瑾門戶瑾乃大怒曰謂我不能制爾耶乃矯旨降  
誥全州判官

卒官○按獻徵錄識大錄誥卒年六十有四  
詔以爲吏部尙書○按獻徵錄讚爲吏部尙書時條奏

諸弊政及上安邊方略數千言帝悅之

論遣兵捕鶴○按識大錄論遣兵捕鶴時擊之於紫塞八角堡大敗之斬首二百餘級

雍泰傳年八十卒○按明書泰卒年八十餘獻徵錄識大錄與此同

陳壽傳又嘗劾萬貴妃兄弟及中官梁芳僧繼曉○按壽劾萬貴妃兄弟及中官梁芳僧繼曉史未詳其原委考明書及名臣實錄獻徵錄識大錄成化中昭德貴妃寵方盛戚黨出入宮掖勢撼京師中官梁芳結妖僧繼曉撓國政壽抗疏論列

省費數十萬○按明書作省費二十七萬

其卒也至始得歸葬新淦○按獻徵錄壽卒於嘉靖壬午九月賜諭祭二壇命有司治葬事越幾年子良輔良佐等始奉柩歸其鄉

熊繡傳繡力持不顧○按獻徵錄識大錄繡力持不顧由是權貴皆銜之

伺察無所得○按獻徵錄識大錄瑾密使人蹤跡繡其人回歎曰熊某廩給外無一毫過誤可指吾且奈何潘蕃傳詔蕃按盡得其實○按獻徵錄識大錄錢能攫金蠻部危動邊鄙由指揮盧安輩調納其愚以釀厲釁蕃往正盧安輩以法歸請併治錢能士論壯之

思恩知府岑濬與田州知府岑猛相讐殺○按獻徵錄

識大錄此二人皆土官蓋親叔姪也因爭地相讐殺  
張泰傳奏釐革十二事○按獻徵錄十二事爲專委任  
清兌支均俸糧委監收廣儲積修常平清軍數總部  
運限積派重查糧稽住俸省守支

張鼎傳畀通政魏納○按獻徵錄作魏訥

王璟傳致仕卒○按獻徵錄璟乞歸因給廩米輿阜仍  
敕有司歲時存問卒賜祭營葬如法後入祀學宮

### 列傳第七十五

何鑑傳條行荒政十事○按獻徵錄十事施行河南之  
民立祠肖像以誌不忘

年八十○按獻徵錄鑑卒年九十

馬中錫傳又嘗劾汪直違忤罪○按獻徵錄直勢張甚人莫敢言中錫力陳其不法十餘事

中錫死獄中○按獻徵錄中錫卒於壬申五月年六十  
七

陸完傳餘賊盡平○按識大錄平賊時斬首將六百俘三百溺水死者千餘

洪鍾傳鍾遂乞歸○按識大錄鍾乞歸章凡七上始允之嘉靖初特進光祿大夫柱國賜立纁羊酒遣有司勞問卒年八十有一

陳金傳每奏捷○按獻徵錄金奏捷時撫州南昌瑞金皆建祠肖像以祀

久之卒○按獻徵錄識大錄金卒乃嘉靖戊子九月也  
年八十三

俞諫傳羣盜悉平○按獻徵錄羣盜悉平詔褒獎加俸  
一級

馬昊傳坐累謫眞定推官○按明經濟名臣錄昊以御  
史罪謫

諸蠻大奔○按明經濟名臣錄諸蠻大奔時斬賊以萬  
計



明史攷證攬逸卷十四

明史攷證攬逸卷十五

長洲王頌蔚編集

列傳第七十六

陸崑傳疏陳重風紀八事○按獻徵錄崑承求言詔遂條陳十有二事

蔣欽傳賜祭葬○按獻徵錄欽祭葬之賜緣御史陳蕙所請並云允言官請命所在立祠祀之

周璽傳明年擢順天府丞○按獻徵錄時逆瑾擅權惡璽直乃陞是職實則抑之也

范輅傳宸濠伶人秦榮僭侈○按獻徵錄榮僭侈居如王宮輅論之

眞乃摭他事誣之○按獻徵錄誣輅離間骨肉誹謗宗藩

周廣傳歷知莆田吉水二縣○按獻徵錄廣知吉水時  
贛州流賊自大帽山突出路由雩都抵新淦燒永豐  
縣勢甚猖獗廣勦力禦賊賊乃潛師踰境邑賴以寧  
暴疾卒○按獻徵錄廣卒得年五十有八

列傳第七十七

李文祥傳屬題畫鳩語含刺○按畫鳩詩有云春來風  
雨尋常事莫把天恩作己恩見明史紀事本末所謂  
含刺卽指此

胡燏傳當成化時宦官用事至不勝不止○按是時如

三年秋御史任儀以中使捽辱理刑知縣王嶽疏劾其罪乃并儀下獄出爲中部知縣十五年御史車梁極言東廠錦衣之害遂下詔獄以論救得釋皆以忤璫被陷者見明實錄

羅僑傳延布衣張尺詢民間疾苦○按尺字守度台州人以廉節著前後知府葉贄顧璘皆以賓禮璘又嘗榜列之以風六邑見黃綰所撰墓志

黃輦傳字仲固○按吾學編字伯固獻徵錄識大錄同左右匿以不聞以不改

行人張岳訟其直節○按嘉靖元年御史王國用亦有訟輦一疏見列卿記

陸震傳立保伍法使民備盜○按是時江西盜起上官知震才各郡城守皆令其經畫又委督操袁臨吉三府兵見獻徵錄

進武選員外郎○按震進員外郎時吏白宜謁印綬監震不往遂稱疾欲歸會長官促之急乃出視事見章懋所撰墓志

夏良勝傳而大理寺正周敘等十人至連名疏相繼上○按周敘等十人自以職在平獄請宥諸臣留駕之罪見明實錄

夏良勝附傳從王守仁游○按九川成進士觀政禮部三疏請告師事守仁於虔見獻徵錄

何遵傳贈遵校尙寶卿○按嘉靖十八年允應天府請  
特祠祀遵見獻徵錄

列傳第七十八

楊廷和傳果不能平賊○按是時中錫下教招撫賊僞  
降中錫信之遂撤兵而劉六與其黨楊虎等益縱肆  
馳突見獻徵錄

三請乃許○按廷和以憂去在正德十年三月見明實  
錄

羣臣各製旗帳迎○按明實錄稱正月丙午上還自宣  
府羣臣候德勝門外具綵帳綵聯各千數并綵幣羊  
酒進御爲賀越日賜文武臣銀牌惟翰林以無綵帳

賀幣不與賜是彼時迎駕諸臣固未嘗不用帳也

廷和等候左順門下○按廷和等左順門候旨時吏部尙書王瓊排掖門入厲聲曰此豈小事我九卿長顧不與耶衆不答瓊意乃沮見明實錄

於是廷和謀以皇太后旨捕誅彬○按是時梁儲與中官勦戚等迎立世宗故誅彬之謀惟冕紀助之見儲本傳

彬旣誅○接收彬時并下其黨神周李琮於獄論死見明實錄

給事御史交章論王瓊罪狀○按瓊初在兵部凡所誅賞悉聽中旨至是給事張九敘劾瓊濫鬻將官依阿

權倖又臺省交章劾瓊於哈密一事挾私忌功見明實錄所云罪狀卽指此

瓊迫疏許廷和以自解○按是時瓊疏許廷和攬權專擅擢其子慎及弟第一改其弟廷儀吏部侍郎又庇其所厚都御史彭澤御史趙春罰不當罪請罷之上怒并下所司見明實錄

然廷和以帝雖冲年性英敏自信可輔太平事事有所持諍○按嘉靖元年五月有旨免日講午奏廷和上疏力請接續講讀上喜其言見列卿記

復申諭欲加稱興獻帝后爲皇○按帝欲稱興獻帝后爲皇事在是年十二月見明實錄



與慈壽考廟並

慈壽考廟改孝廟慈壽

○按明實錄作與孝廟慈

壽並此誤孝爲考又將四字倒置

帝爲薄謫道嘉以安廷和○按道初謫南陽府通判嘉初謫昌邑縣知縣後御史向信等各言道嘉之妄奏實浙江僉事閤閤喉之遂再貶道茂州判官嘉金縣縣丞并降閤蒙自縣縣丞見明實錄

尋論定策功

至

加廕四品京職世襲復辭○按是時給

事中許復禮張九功等御史江良貴秦武等及兵部主事霍韜各交章言封爵武廕非諸臣所安宜聽辭免尋許改廕文階復辭見明實錄

廷和先累疏乞休○按南京給事孫懋等言廷和因弟

廷儀被劾之故與蔣冕石珪相繼乞休乞降旨勉留  
事在正德十六年八月見明實錄所云先累疏乞休  
者指此

梁儲傳帝遂歷宣府大同直抵延綏○按是時禮部尙  
書李遜學等廷議建儲居守錢寧謀以寧王世子司  
香太廟江彬亦欲立所厚遠藩儲等力斥之議遂寢  
見列卿記

先是儲子次攄爲錦衣百戶○按嘉靖五年四月以儲  
迎扈功加廕一子世襲錦衣衛指揮同知儲疏辭乃  
陞其子前廕中書舍人爲尙寶寺寺丞見明實錄

蔣冕傳因力求去○按是時御史葉奇言楊廷和引疾

求去陛下曲遂其請今蔣冕亦復求去幸勿復聽御史蕭一中亦以爲言因荐石瑄呂柟魯鐸可大用疏下所司見明實錄

疏中再以天變爲言○按是時帝責冕大禮災異歸咎於上遂準致仕見列卿記

毛紀傳流賊甫平○按六年八月尙書洪鍾巡撫林俊禽四川賊首藍廷瑞鄔本恕等誅之後俊去賊方四餘黨復熾又賊麻六兒等先後倡亂鍾不能制乃命彭澤往討九年春平之見識大錄

石瑄傳父玉山東按察使

東改西

○按瑄父玉曾任山西

按察使其兄玠以正德四年擢是職相去僅二十年

人以爲世美見列卿記此作山東誤

典誥敕○按珤旣掌吏部輔臣有不悅之者以誥敕乏人請仍兼學士在內閣實奪之權也見列卿記

言官以珤望重交章請留○按是時給事中張原言珤公忠直諒乞敕吏部遣官敦促見明實錄所云交章乞留蓋指此

石珤附傳賄朱寧爲請

朱改錢

○按朱寧卽錢寧武宗賜

姓各傳俱作錢寧

贊

卽周勃韓琦殆無以過○按廷和當國持正不阿他如削平流賊功績昭然至逆濠之平非有發蹤運籌之

力史概以遠略歸之至比之周勃韓琦殊嫌溢美

列傳第七十九

毛澄傳進左庶子直經筵

至

以澄爲侍讀○按澄官庶

子直經筵時已兼侍讀見明實錄

歷禮部侍郎○按明實錄澄於正德元年由學士陞吏部右侍郎十年轉左十二年陞禮部尙書邵寶所撰行狀及列卿記所載皆同此作歷禮部侍郎互異

卽諭禮部總督軍務威武大將軍總兵官太師鎮國公朱壽遣往兩畿瞻東嶽奉安聖像祈福安民○按明實錄是時手敕云遣往南北兩直隸山東泰安州等處公幹兼尊奉聖像供獻香帛祈福安民

王瓊欲陷彭澤澄獨白其無罪○按瓊阿中官錢寧以  
哈密事陷澤幾置重典澄爲力白給事王爌石天柱  
皆如澄言澤乃免未幾爌天柱皆降外見獻徵錄  
澄等乃復上議○按是時澄等言給事中史于光御史  
盧瓊皆厯數璫議之偏誠懼上搖聖志下啟羣疑宜  
將張璫戒諭不報見明史紀事本末

寧清宮後三小宮災

寧清改  
清寧

○按明實錄作清寧宮

會朝臣亦多諫者○按是時給事鄧繼曾主事高尙賢  
鄭佐皆相繼言宮災爲廢禮之應見明實錄

其卒也深悼惜之○按澄之卒也仍以迎扈功廕一子  
中書舍人見明實錄

明史紀事本末  
汪俊傳俊集廷臣七十有三人上議○按是時楊廷和已罷俊請曰公去誰與主者適主事侯廷訓據宗法爲大禮辨俊得之大喜乃復會廷臣上議見明史紀事本末

議上留中○按是時給事張翀御史鄭本公等六十餘人名抗章請從衆議上怒俱奪俸見明實錄

帝仍命遵前旨再議○按立廟之議吏部尙書喬宇及湛若水石珤張翀任洛汪舉等皆疏爭不聽見明史紀事本末

吳一鵬傳歷國子祭酒○按一鵬於七年進侍講學士明年主順天鄉試有摘策問語謂譏時宰者當道信

之遂出爲南祭酒見獻徵錄

尋以省墓歸還朝仍典誥敕○按一鵬省墓還疏陳江淮水旱並河運湮塞乞遣官體勘帝嘉納之見獻徵錄

未幾出理部事○按一鵬出理部事時岷藩與棗陽庶人俱奏乞復爵序班錢子勳訓導王玠以考察去官亦援嘗議大禮乞復官萼皆曲爲之請一鵬一切不聽由是愈銜之見方鵬所撰傳

何孟春傳清寧宮災○按嘉靖元年正月清寧宮後三小宮災見明實錄此直作清寧宮災小誤

孟春三上疏乞從初詔皆不省○按桂萼進繼統之說



御史馬明衡建言獲譴孟春復抗疏辨之見明實錄  
列上禮官欺妄十三事○按聰等所列十三事一三代  
前無立後禮二祖訓亦無立後三孔子射矍圃斥爲  
人後者四遺詔不言繼嗣五禮輕本生父母六祖訓  
姪稱天子爲伯叔父七漢宣帝光武俱爲其父立皇  
考廟八朱熹嘗論定陶事爲立廟九古者遷國載主  
十祖訓皇后治內外事無得干豫十一皇上失行壽  
安皇太后三年喪十二新頒詔令決宜重改十三臺  
諫連名疏勢有所迫見明實錄

竝留中不下○按是時帝方齋居文華殿金獻民徐文  
華倡言曰諸疏留中必改孝宗爲伯考則太廟無考

正統有間孟春等遂率衆伏爭見明史紀事本末

命收繫四品以下官若干人○按是時收繫四品以下馬理等凡一百三十有四人見明實錄

徐文華傳文華與汪偉鄭岳猶力爭○按三年八月席書至京以孝宗考名未正令禮部集議文華等謂孝宗祝享昭聖冊寶尊奉已久不宜輕改帝切責之見明實錄所謂會議時力爭卽指此

### 列傳第八十

楊慎傳舉正德六年殿試第一○按慎以會試第二人擢廷試第一見獻徵錄

聞尋甸安銓武定鳳朝文作亂至與守臣擊敗賊○按

安銓鳳朝文之亂在嘉靖五年十二月愼以是年正月歸蜀七月返戍故親赴木密也見陳文燭所撰年譜

王思傳召復故官○按思復官後錄平宸濠功帶支九品俸又於嘉靖二年癸未充同考官俱見鄒守益所撰墓志

王思附傳王相字懋卿○按獻徵錄相字懋賢

安磐傳戶部主事羅洪載以杖錦衣百戶張僅下詔獄

僅改謹

○按明實錄張瑾以率校尉楊受等支俸通倉

橫取狼籍爲管糧主事羅洪載所按治瑾懼乞杖以免洪載不虞其給已乃杖之瑾遂奏洪載擅笞禁衛

官校下獄此誤瑾爲僅

頌蔚案孫交傳亦作瑾

王時柯傳居戍所十四年

四改

○按余翱於嘉靖三年

遣戍越十四年爲嘉靖十六年考明實錄皇子生大赦天下乃十五年十一月事則翱居戍所實止十三年

郭楠傳今日大同告變○按明實錄嘉靖三年八月大同巡撫張文錦於城外築五堡議徙鎮兵往戍衆不欲行遂爲亂殺參將賈鑑及文錦繼先所言大同告變蓋指此

列傳第八十一

費宏傳甫冠舉成化二十三年進士第一○按江汝璧

明倫彙編 家範典 卷一百一十五  
所撰行狀宏生於成化戊子又考江右名賢錄宏舉  
成化癸卯鄉試丁未會試以甲子計之癸卯年十六  
丁未年二十

宸濠敗言者爭請召宏○按宸濠初叛時遣數十騎趨  
廣信欲害宏至進賢爲劉源清所殺宏得免見獻徵  
錄

翟鑾傳言等因薦鑾充行邊使○按是時鑾以巡邊功  
錄一子錦衣千戶一子中書舍人見王世貞別集

李時傳十年七月四郊成○按明史禮志明初天地合  
祭至嘉靖九年始定南北郊之制而東西郊朝日夕  
月之壇亦重建此作十年蓋更定之議始自九年而

成於十年耳

帝退御幽風亭賜宴○按宴儒臣幽風亭乃是年九月  
事見明實錄

顧鼎臣傳帝悅乃自爲注釋○按是時帝又注視聽言  
動四箴并製敬一箴令天下學校翰林國子監立碑  
鐫刻見獻徵錄

李春芳傳尋遷太常少卿○按春芳官太常時卽賜一  
品服以其隨侍齋壇也見王錫爵所撰行狀

齊康之劾徐階也○按王世貞所撰高拱傳拱故與階  
不相能至是得其子居鄉請託事屬門生齊康上之  
徐階乃上疏求去穆宗爲之嗣齊康於外

明史攷證攬逸卷十五  
二  
俺答款塞○按明實錄隆慶四年十月俺答始執趙全等九人款塞來獻明年三月乃封俺答爲順義王至五月而春芳致仕此類敘於隆慶元年之後蓋省文也

陳以勤傳力引疾求罷○按以勤致仕在隆慶四年見獻徵錄

拱被逐○按王世貞集載神宗初卽位時拱邀張居正共逐太監馮保居正僞許之而先以告保保乃擬旨責拱專擅無君令歸田里所云被逐蓋指此

明史攷證攬逸卷十五

明史攷證攬逸卷十六

長洲王頌蔚編集

列傳第八十二

喬宇傳條上道中所見軍民困苦六事○按宇所條六事曰恤邊民厚邊軍廣儲蓄慎守令省科派重祀典見陳璘所撰行狀

改兵部○按宇改兵部時嘗條宿弊六事曰嚴操練禁役占汰冗員買戰馬定船差修船隻見獻徵錄又南京御史林有年以言事被逮宇在兵部論救之得釋見陳璘所撰行狀

世宗卽位召爲吏部尙書○按世宗卽位宇有請早視



朝以隆聖政一疏見明實錄

孫交傳交奏免之○按交是時并請銓衛學教授以訓武官子弟見顧璘所撰傳

言官多請留○按是時請留交及珪者爲給事中李陽春御史原軒等見獻徵錄

以交言罷黜過半○按是時內外倉紛置宦豎漕卒大困交上疏極論得裁其半見識大錄

卒年八十○按明倫大典成上念交無所阻執進光祿大夫柱國見明實錄

林俊傳俊得謫姚州判官○按俊被謫時王恕有乞還俊一疏見列卿記

用薦擢雲南副使○按俊爲副使時南京御史姜綰等爲守備太監蔣琮劾奏多左遷者俊上疏論救見列卿記

起撫四川○按俊在蜀時疏請上還宮并預養宗室之賢者召還劉健謝遷林瀚王鏊韓文以復舊政見列卿記

於是俊前後被切責○按五年劉瑾伏誅俊在川疏賀並言嘗草疏劾瑾欲俟賊平上之今幸假手張永瑾雖死大權猶在內臣因極陳其害詔責其奏成不進懷奸畏罪第賊未平置勿問見明實錄所謂前後被切責者指此

秦金傳授戶部主事○按金爲戶部時宦戚奏乞鹽引  
每從中下金輒奏格之見獻徵錄

守開封破趙鏐於陳橋○按是時鏐等將薄封工金會  
參將宋振邦率兵邀之禽其魁開封民爲立生祠祀  
之見列卿記

趙璜傳改兵部歷員外郎○按璜爲兵部員外時尙書  
馬文升薦其才堪大用見列卿記

尋調山東○按是時錢寧以錢鬻於山東爲璜所禁弗  
得售見列卿記

擢工部右侍郎總理河道○按正德十年黃陵岡河變  
運道幾梗乃擢璜總理之見明實錄又按璜佐工部

時疏濬京城九門城河尙書彭澤總兵郭勛議用民夫璜奏請悉用營軍上允之見列卿記

鄒文盛傳歷戶科都給事中○按文盛爲給事時有崇儉約省課稅裁撫治及請設憲臣以督捕處番舶以通貨等疏見明實錄

梁材傳改御史○按材爲御史時劉瑾旣誅榜諭天下材所屬草也李東陽見而愛之及作紀事稿付史館東陽皆以屬材見列卿記

尋改戶部遂代鄒文盛爲尙書○按七年材改戶部兼右僉都御史總督雲貴川廣往征雲南未至聞捷還辭兼職是冬遂擢尙書見獻徵錄又按材擢戶部尙

明倫彙編 家範典 第三十六  
書時特敕監吏部都察院考察人以爲異典見琬琰錄

勛益怒劾材變亂舊章○按材是時復按勛不法十事  
草疏未上僚友泄其語遂爲勛所中落職歸見獻徵錄

劉麟傳本安仁人

安仁上加  
饒州二字

○按地理志安仁有二一

屬饒州一屬衡州考雷禮尙書年表麟饒州安仁人

弘治九年成進士

刪成  
字

言官龐泮等下獄○按泮等是時以劾外戚張鶴齡驕  
橫翫法下詔獄見明實錄

麟偕同年生陸崑抗疏救

刪抗  
字

起大理卿拜工部尚書○按麟起大理卿尋遷刑部侍郎拜工部尚書見獻徵錄

蔣瑤傳調揚州○按瑤初莅揚時值歲饑瑤請漕萬石振之見識大錄

王廷相傳裁抑鎮守中官廖堂被誣○按廖堂識大錄列卿記及于慎行所撰墓志皆作廖鵬

歷兵部左右侍郎○按廷相爲兵部侍郎時騰驤四衛軍隸在中官多竄市人名幾三萬廷相盡裁其濫僅存五千人見識大錄

列傳第八十三

王守仁傳劉瑾逮南京給事中御史戴銑等二十餘人

守仁抗章救○按是年冬劉健等致仕戴銑及御史薄彥徽等疏請斥權閹留保輔以安社稷瑾遂矯詔逮之見明實錄

謫貴州龍場驛丞○按識大錄守仁在龍場時水西宣慰有亂萌守仁委曲諭以利害遂止

命勘福建叛軍行至豐城而寧王宸濠反○按是年五月福州三衛軍進貴等作亂王瓊謂主事應典曰此小事不足煩守仁但假之便宜敕書以待他變可也乃降敕令往勘故宸濠之叛守臣俱被執惟守仁以勘閩軍出見明史紀事本末

御史謝源伍希儒自廣東還○按是時謝源伍希儒以

巡按復命還見獻徵錄

獨永時時左右之○按永先見帝備言守仁忠並江彬等欲害之意彬等毀遂不入見列卿記

諸同事有功者惟吉安守伍文定至大官當上賞○按文定由按察使至副都御史邢珣徐璉戴德孺擢布政使旋皆被斥御史伍希儒謝源以考察去陳槐亦削籍見吾學編

思恩田州土酋盧蘇王受反○按盧蘇王受卽土官岑猛屬酋也猛已爲鎮所誅二酋復擁衆叛見識大錄守仁在道疏陳用兵之非○按守仁有辭兼巡撫一疏并舉伍文定梁材自代不允見列卿記



帝令守仁更議○按是時帝并令守仁以便宜行事故  
守仁遂悉散諸軍見識大錄

萼遂顯詆守仁征撫交失○按萼又嘗喉錦衣指揮聶  
能遷誣守仁賄黃綰薦用兩廣綰疏辨其誣下能遷  
於獄杖死之見列卿記

詔贈新建侯謚文成○按隆慶初賜謚時並賜祭葬見  
明實錄

王守仁附傳言者交白其冤出獄五日卒○按明實錄  
謂元亨死於獄御史胡松列其狀以聞得旨元亨死  
不以罪令有司恤其家在獄有誣服如元亨者亟與  
辨理此作出獄五日卒未知何據

列傳第八十四

張璫傳帝益心動趣召二人○按三年四月給事中張  
嵩安磐等交疏劾璫并霍韜方獻夫桂萼請并斥之  
見明實錄

復條上七事○按璫萼原疏云獻廟大禮詔已頻頒而  
義乃益舛謹復條七事其大要不出前言而提綱以  
便聖覽見明實錄

以傳奉爲學士累聖德不少○按是時吏部尙書喬宇  
亦言學士之職不宜使璫等濫居乞寢之上切責見  
明實錄

璫萼乃復列欺罔十三事○按是時吏部員外郎薛蕙

明史十六  
上爲人後解二篇爲人後辨二篇并辨璉等諸說上  
以其出位妄言逮治之於是璉等條十三事以上見  
明實錄

死杖下者十餘人○按是時諸臣復有被掠繫死者如  
編修王思給事裴紹宗御史胡瓊郎中胡璉員外郎  
申良等凡十有六人見明實錄

後議世廟神道廟樂武舞○按世廟樂武舞之設禮部  
侍郎朱希周太常卿汪舉皆疏諫帝責其妄見明實  
錄

遂與萼連章攻宏○按五年四月萼與璉奏許宏受陳  
九川所盜貢玉又嘗納鄧璋彭夔賄及居鄉不法事

宏疏辨并陳萼等挾私誣訐狀見明實錄

諸翰林恥之不與並列○按諸翰林恥與同列者如學士豐熙修撰楊維聰舒芬編修王思皆各疏乞歸見明實錄

七年○按七年璫疏請嚴宣諭杜私謁重制誥平潞賊定服制又應制陳言曰審幾微惜人才專委任求民瘼見列卿記

乃更加少保兼太子太保○按王世貞史乘考誤云初上特加璫萼等宮保璫以前星未耀請俟異日上故特加少保無兼官見行狀誌銘及進明倫大典表俱可證此言兼太子太保誤也鄭曉閣臣表亦無兼官

遂以制作禮樂自任○按是時璉又議倣古立九嬪以廣儲嗣見列卿記

嘗稱少師蘿山而不名

蘿改羅

○按璉自號羅峯嘗建羅

峯書院於姚溪後因帝有張羅山之稱乃更號羅山見列卿記此誤羅爲蘿

桂萼傳安仁人

上加饒州二字

○按地理志安仁有二一饒州

一衡州萼饒州安仁人

萼自是受知特深○按三年六月修撰楊慎張衍慶等三十六人言臣等與桂萼輩學術不同議論亦異乞賜罷歸帝責其輕肆奪俸有差見明實錄

爲南京給事中所劾○按是時劾萼者爲南京戶科給

事中林士元事在五年正月見明實錄

方獻夫傳謝病歸○按五年南御史趙元言大禮本出宸斷獻夫及璫萼書等未及一載累加遷擢宜并聽辭免帝切責之見列卿記

尋復代萼爲吏部尙書○按獻夫居吏部時上言任用守令五弊一選任太輕二遷轉太數三旌舉不嚴四體貌太卑五職守不明見列卿記

夏言傳復條九事以上○按所條九事一請褫寧夏冒廕太監張容魏英等一請核凡以平賊冒功曾陞職俸者一請罷諸臣因軍功陞授其子弟者并自後諸臣不許假以武廕一請分別廠衛偵獲妖言及捕繫

明弘治十六  
寇賊陞賞一請除五府錦衣衛不由軍功陞敘者一  
請改正流官署職之弊一請究行查京衛親軍稽留  
之弊一革過職級見在領敕管事者宜另爲銓代一  
請禁汰黜人員奏辨俱如所議見明實錄

諸疏率謬謬爲人傳誦○按嘉靖二年言有請遣近臣  
覆勘備倭失事諸臣功罪並區畫應否通貢絕約事  
宜一疏乃遣給事劉穆往按之見明實錄

七年調吏科○按嘉靖八年温州逃兵變府衛不能制  
又海寇掠寧紹諸郡浙東大擾言請都御史巡視及  
江淮總兵官以備控制從之見列卿記

乃罷孚敬而釋言○按嘉靖十年七月行人司正薛侃

疏請迎取親王一人入京司香孚敬密與彭澤謀誣言主謀下法司訊侃曰我自爲之言實不預遂釋言而戍澤邊衛見列卿記

居數日怒解命止行復以少傅太子太傅入直○按是時帝手敕吏部并復言禮部尙書武英殿大學士還閣辦事見明實錄

進吏部尙書華蓋殿○按是時進言華蓋殿大學士見明實錄此脫大學士三字

手敕禮部歷數言罪

禮部改都察院

○按明實錄二十一年六

月上手諭都察院謂改慈慶爲東宮居朕必不爲言前稱朕意爲正今何一用勛言因并數其恣肆諸罪



此作手敕禮部誤

未幾河套議起○按十七年十一月巡按山西御史何贊有請復河套一疏見明實錄是爲河套議之始

言始大懼謝罪

謝罪改疏辨

○按明實錄嵩攻言言疏自辨

帝責言強君脅衆所奏又無引罪詞令都察院參看以聞則言并未嘗謝罪應改謝罪爲疏辨又按是時部院參言事惟任意跡涉強君帝曰爾等奉旨議奏猶爲跡涉此非媚卽畏亦見明實錄

### 列傳第八十五

席書傳入爲工部主事○按書爲工部時督漕於清江廠綜理有方著漕船志見列卿記

尋以右副都御史巡撫湖廣○按書巡撫湖廣時都指揮甘玉海等大肆貪虐軍民苦之皆置之法見列卿記

因交章詆書○按是時給事中李學會御史胡瓊等各疏言秩宗重任非書所能堪不聽見明實錄

乃條新政十二事以獻○按書所條十二事倣姚崇要說之意御史藍田劾書自居姚崇比上元宗大不道上怒削田籍見明實錄

乃力薦楊一清王守仁入閣○按書巡撫湖廣時曾於元年三月薦致仕大學士楊一清經略西北得旨待缺起用不必煩以邊事見明實錄

五年○按嘉靖五年會試書知貢舉舊例廷試內閣所讀之卷多入一甲二甲九卿分讀者以爵爲次書疏革其弊見列卿記

乃命逮鑑入京再訊○按是時御史蘇恩大理評事杜鸞訊其事各疏陳鑑罪狀并劾書動援大禮壓制羣僚壞亂政體見明實錄

霍韜傳除職方主事○按韜在兵部時極言清軍武選之弊上可其議令京衛軍冊如武驤等四衛例五年一次備造并查武選清黃事宜見明實錄

帝嘉納之○按韜疏又陳去冗官清仕路正士風略虛文明教化久職任諸事見明實錄

且請令六部長貳翰林給事御史俱調外任至不宜困資格○按是時給事中沈漢劾韜欲變官制之謬見明實錄

嘗因災異陳時弊十餘事○按嘉靖八年星變韜陳召災六事曰宗室失所邊軍困苦冗官擾民賊吏害民酷吏肆虐內官貪暴帝嘉納之見識大錄

韜極言其非○按韜疏言親蠶爲亂成法分郊爲秦朝政遺言書謂祖宗定制不可改周禮爲王莽僞書宋儒爲夢語見列卿記

久之出韜爲南京禮部尙書○按嘉靖十四年莊肅皇  
后崩議諡希旨者以四字請韜援舊制力爭之見識

# 大錄

給事中李充濁曹邁等交章言近侍之臣不當避道○  
按是時與李充濁同疏抗者爲給事中謝廷藩見明  
實錄

復摭言他事○按是時韜弁劾言受費完賄排劉淑相  
見列卿記

命韜以太子太保禮部尙書協掌詹事府事○按是時  
吏部尙書許讚有薦韜一疏遂有宮僚之擢見識大  
錄

所至與人競○按韜爲兵部主事時論科道褻服授受  
詔旨大不敬給事中安磐等因劾其先議大禮得罪

名教恐言官發其姦意在傾排時俱置不問見明實錄

熊浹傳由右給事中出爲河南參議○按浹爲參議時會鄰境寇作浹曰安得以職守分彼此耶卽勒兵捕之見獻徵錄

改兵部○按浹爲南京兵部時奏減龍江淺船餘丁幫甲以甦困苦又禁和買罷諸苛法見獻徵錄

隆慶初復官○按隆慶元年並追贈浹少保見明實錄黃宗明傳正德九年進士○按宗明祖瑛廬陵教諭襲辭姓弗克復宗明登第首疏復黃姓見列卿記

尋請告歸○按正德十六年陞宗明工部屯田司郎中

不起見明實錄

徵拜光祿卿○按宗明爲光祿卿時輯光祿須知爲疏以進乞爲中制使一切有常式著爲令見列卿記

持論頗平○按宗明嘗應詔陳四事一求才二勵志三定計四責任見列卿記

黃綰傳爲南京都察院經歷○按嘉靖初詔徵遺逸綰以御史朱節薦起爲都察院經歷見獻徵錄

召擢光祿少卿○按是時席書胡世寧皆交疏薦綰乃有光祿少卿之擢見明實錄

出爲南京禮部右侍郎○按是時綰帶管操江嚴防禦謹盤詰一時江盜屏跡見獻徵錄

贊

席書等亦由議禮受知 至乃不足道矣

改嘉靖初欲追崇所生不過稱

帝稱考其於孝宗之稱未有異議也席書等邪說紛起與張璁桂萼相附和必欲改孝宗爲皇伯考意惟在邀結主知而已其後興獻入廟稱宗說者謂非諸人倡議之初心夫既稱孝宗爲伯則興獻之入廟稱宗乃勢所必至安能□□□其責哉書翰在官雖嘗有建樹而功不掩罪浹與宗明稍自斂戢見容於時亦復何足取若縮○按席書等附和璁萼不考孝之傾狡尤不足道矣

宗遂致興獻入廟瀆禮亂倫莫此爲甚雖少有建白亦不足以掩罪原贊未協

列傳第八十六

楊一清傳誣一清冒破邊費逮下錦衣獄○按明實錄正德二年六月罷修邊垣輸其費於京師十月逮問



明倫彙編 家範典 第三十六  
各邊巡撫都御史一清之下獄當在是時

饋謝有所入緣手卽散之○按獻徵錄載楊一清爲相時人有餽美珠一斗者一清直受之後諸邊將謁議兵事乃以所受分給之頃刻皆盡所云緣手卽散或指此

亦不刺竄西海爲西寧洮河害○按西海卽青海古湟中地也考西域傳亦不刺本蒙古部人因得罪其主率衆竄據其地爲西寧邊患者二十年至嘉靖十一年爲吉囊所破患始稍息

一清又因災變請戒飭百官和衷○按一清於嘉靖五年疏陳五事一曰聖學二曰聖政三曰聽言四曰宥

過五曰和衷見明實錄傳所言戒百官和衷宥議禮諸臣當指此但云因災變而言與實錄互異

彭澤傳內應絕乃復求和○按西域傳是時土魯番與瓦剌相攻力不敵乃求和款塞非因拘其使無內應也

會失拜煙答子訟父冤○按失拜煙答旣繫獄旋被捶死故其子爲之訟冤

毛伯溫傳巡按福建河南○按伯溫按河南時折服中官孫某姦猾斂迹又曾按湖廣繩壽王軍校以法見羅洪先所撰行狀

上方略六事○按伯溫所上六事一曰正名二曰用兵

三曰用人四曰理財五曰明賞罰六曰一事體蓋非專指安南而言見獻徵錄

翁萬達傳賞不訾○按漢書景帝紀今訾算十以上迺得官服虔注萬錢也又顏師古注亦訓訾爲財與貲義同

指揮董暘江潮唐臣張淮等戰死潮改瀚○按江潮外國傳作江瀚明實錄同此作潮誤

會尙文萬騎至○按周尙文曹家莊之戰在嘉靖二十八年見明實錄此類敘於二十七年之後

明史攷證攬逸卷十六

明史攷證攬逸卷十七

長洲王頌蔚編集

列傳第八十七

李鉞傳理河東鹽政○按鉞巡河東時有斷安邑疑獄  
及劾鎮守中官二事見獻徵錄

王憲傳召拜御史○按憲爲御史時曾巡撫蘇松諸郡  
有土豪暴橫家置水牢以禁負債者爲憲所發治其  
罪見張璧所撰傳

胡世寧傳應詔陳邊備十策○按邊備十策一曰嚴考  
核以正士風二曰崇節儉以制財用三曰從權宜以  
足邊儲四曰立簡便以收鹽利五曰汰冗食以選將

校六曰閱軍實以修武備七曰廣收蓄以儲將材八曰立經制以禦外侮九曰重將權以責成效十曰用間諜以覘敵情見今獻備遺

又請善保聖躬至竝乞留中○按世寧言保身講學二事在嘉靖四年見明實錄

世寧言賞過濫○按世寧奏工匠受職太濫在嘉靖五年四月見獻徵錄

中官剛聰誣漕卒掠御服○按聰以織造至南京興運舟爭道遂起此獄見明實錄

陳九疇坐累廢○按九疇先於正德間以哈密事遭誣削籍至嘉靖初由按察使起爲僉都御史巡撫甘肅

連破番兵絕哈密貢使會王瓊與彭澤交惡修前隙使王邦奇等訟其開邊釁賴世寧言得免見趙時春所撰傳史言坐累蓋指此

李承勛傳且言山西潞城賊至再勝再叛○按是時土

魯番奪哈密小王子入塞田州岑猛芒部沙保皆叛見明實錄所云山西潞城川貴芒部蓋指此

范總傳又薊鎮五里塚划車開連口慕田谷等地宜設墩臺谷改○按方輿紀要慕田峪堡在通州東北百

有五里明時設兵戍守此作慕田谷誤

惡谷紅生谷香鑪石等地宜斬崖塹生改○按邊防考

紅土谷在黑谷關八十里與惡谷香鑪石等處連接

明嘉靖時始於此緣崖置塹以爲固此作紅生谷誤  
王邦瑞傳俺答犯都城○按明實錄俺答薄京城在嘉  
靖二十九年八月

列傳第八十八

姚鏌傳遷福建副使○按鏌任福建副使時嘗定計討  
平大帽山賊劉龍等見翟鑾所撰墓志

張嶺傳嶺以郎承勘爲民○按獻徵錄載嶺官興化時  
郡人戴大賓弱冠及第劉瑾欲以姪女奪其舊聘囑  
嶺主之嶺拒不從遂爲所惡借張祐事落其職

召爲光祿卿○按嶺之內擢由宸濠忌其不爲已用行  
賂陰使之見費宏所撰行狀

蔡天祐傳

祐改佑

歷山東副使○按天祐官山東時曾平

濟南龍山及淄川盜見獻徵錄

詹榮傳督餉大同值兵變○按大同兵變在嘉靖十二年十月蓋張文錦之後至是凡再亂見明實錄

劉天和傳尋奏當興革者十事○按天和所言當革者五  
五曰培剋曰占役曰湖場曰派撥曰侵漁當興者五  
曰開墾曰墩堡曰牛種曰治水曰屯兵見王世貞所  
撰墓志

張岳傳入賀○按岳之入賀在嘉靖十一年以世宗壽  
節也見識大錄

旋移撫江西○按岳撫江西時夏言治生家議費於廣



信七縣縣措千金岳改爲百金及嚴嵩賜第名其閣曰延恩命官爲經理岳批牘與千金吏請益增五百金而貽書於嵩諷以戒侈二事皆見識大錄

簞子坪長司官

改長司官

○按地理志明制蠻地分隸長官

司此作長司官誤

### 列傳第八十九

陶琰傳世宗嗣位起故官○按明實錄世宗嗣位御史周宣首疏薦琰旋命總督漕運兼巡撫鳳陽

其冬改南京兵部○按琰在南都時值歲饑乃飭諸曹盡出所積以振之仍豫給軍糧數月皆已行而後聞又裁抑內官貢船之半見獻徵錄

王纘傳乾清宮災○按乾清宮災纘上陳四事曰正大  
本省內臣覈驛遞廣延納見明實錄

陳正本十事○按纘所陳十事曰正大本法祖德廣延  
訪重詔令禁奢侈求賢才恤民瘼正風俗復舊制重  
人命見明實錄

李充嗣傳擢陝西僉事

至

累遷右副都御史○按充嗣

官陝西時嘗疏劾中官某劉瑾怒之偵其事無所得  
時充嗣方除父服侍母養瑾乃撫其服制違限免官  
瑾誅起爲江西僉事七年由山東副使擢雲南按察  
使八年遷本省布政使九年擢順天府府尹未至以  
都御史王懋中疏薦遂有副都御史之擢見識大錄

寧王宸濠反○按充嗣聞宸濠增置護衛屢疏指陳反狀請急爲捍禦不報見獻徵錄

未幾世宗嗣位○按世宗嗣位充嗣言正德間內府供用庫新添火者數至五千加添糧米十三萬石宜悉裁省又陳三事一恤民窮言常賦外宜盡免一均田則言江南田糧宜畫一一繩監收言各處輸納苦內臣需索宜令科道監覈帝皆從之見明實錄

吳廷舉傳忠亦訐廷舉他事逮繫詔獄○按廷舉爲副使時劉瑾索括省帑解京廷舉請留備軍瑾怒之會爲潘忠所訐乃矯詔罪之見列卿記

寧王宸濠有逆謀○按宸濠嘗致書陸完曰都御史孫

燧宜急易慎毋以吳廷舉代也見列卿記

且引白居易張詠詩語多詆諧○按廷舉所引居易詩月俸百千官二品朝廷雇我作閒人詠詩獨幸太平無一事江南閒殺老尙書所謂語多詆諧卽此見識大錄

追諡清惠○按賜諡時並贈太子少保見明實錄方良永傳刑部郎中周敏力持○按周敏識大錄諸書皆作周時敏

起湖廣副使○按良永爲湖廣副使時藍鄆諸賊寇蜀總制洪鐘檄良永赴蜀贊畫賊平乃還見獻徵錄  
中外交薦○按是時如御史朱節沈灼皆奏起良永左

都御史胡世寧復薦良永自代見明實錄

王爌傳屢遷刑科都給事中○按爌遷刑科時有請勤政務惜老成專委任三事疏見獻徵錄

韓邦奇傳起山東副使遷大理丞○按明實錄邦奇由山東副使歷河南副使乃有大理之擢

### 列傳第九十

廖紀傳卒贈太保○按紀墓志卒贈少傅與史互異並載賜祭九壇命工部營葬

王時中傳坐論御史馮恩獄至時稱爲長者○按時中

坐論御史馮恩獄落職閒住及恩疏詆時中史俱未詳原委考獻徵錄馮恩疏列輔臣六曹長貳過爲軒

輕械繫詔獄疏中謂時中爲具臣而時中且言御史糾舉職也何罪因而落職人服時中雅量云

唐龍傳錢寧義父參將盧和坐罪當死○按和爲參將時以火燬人死屍又強奪生員妻事發問斬罪見獻徵錄

王杲傳贈太子太保○按七卿表杲於嘉靖二十六年五月加太子少保獻徵錄同此但言隆慶初贈太子太保

聞淵傳字靜中○按淵字靜中獻徵錄同明書字靜夫劉訥傳身雖黜而天下稱之○按訥卒於嘉靖三十八年九月年七十有七見獻徵錄

孫應奎傳王準謫富民典史至乞復準官○按準傳云

璉萼罷準亦下吏謫富民典史稍遷知縣都御史汪鉉希璉指以考察罷之與此互異

李默附傳應詔陳八事○按八事史僅舉其三考獻徵錄云公推薦辨國是審蠲除通鹽法裕儲邊廣矜有正憲體先務實

條上善後七事○按七事史未詳載考獻徵錄云廣修船處工料循舊例酌起運清草場嚴點閱修馬政

胡松傳上邊務十二事○按邊務十二事史未全載考名臣實錄云懲苟玩堅障堠懷攜貳蓄孽牧愼任使利器具廣間諜清耗蠹嚴備禦核屯戍豫積貯撫傷

疾

三遷江西左布政使以右副都御史巡撫其地○按識  
大錄獻徵錄及名臣實錄俱載松平盜時因議曰豫  
章爲閩廣下流常受其衝莫若於要地增置城濠屯  
戍守先事而待之復減租稅理冤獄舉賢才黜貪墨  
民得蘇息

趙炳然傳卒贈太子太保○按七卿表云隆慶元年四  
月趙炳然加太子太保告病與此互異

列傳第九十一

鄭岳傳寧夏總兵官仲勛至岳自白○按獻徵錄仲勛  
行賄求調爲東廠捕追金幣勛嘗失事被岳劾禮帖



獨無岳名言官風聞論之岳因自白

劉玉傳玉陳修省六事○按六事史未詳載考識大錄云端治本清化原親大臣厲庶官擇內侍攘外禍武宗嘉之

唐胄傳移山東○按王宏誨所撰神道碑云胄巡撫山東時方尋黃河故道以疏三郡水災核通省荒田給民牛種墾之爲世世永利未就而陞南京戶部右侍郎

潘珍傳遷福建副使○按韓邦奇所撰墓志云珍遷福建副使時捕禽劇寇三百餘有白金紵絲之賜

李中傳至是撫他事誣劾○按羅洪先所撰行狀云時

公卿中多懷忌故其誣得行但亦未詳何事

歐陽重傳銳等假他事繫之獄○按羅洪先所撰墓志云重於田崑扈仁李穩余祐樊準之獄皆出死力相爭卽嚴旨切責不爲動銳不勝忿故以他事中亦未詳所中何事

陳察傳不忍言獨死○按王邦奇罷千戶不得志因誣大學士費宏等揚言糾邦奇反下獄故察有不忍言獨死云云並請下邦奇於獄也見獻徵錄

列傳第九十二

翟鵬傳宣大總督樊繼祖罷○按樊繼祖罷史未詳何事考王道中所撰行狀云爾時欽差科道前去宣大

查盤節年邊儲先後巡按總督俱被參劾想繼祖之  
罷總督卽其時也

孫繼魯傳雲南右衛人○按獻徵錄繼魯其先浙之錢  
塘人徐枋所撰墓志同

知衛輝淮安二府○按徐枋所撰墓志云知淮安時化  
孚境內民建祠立碑有紀愛錄載政績甚詳

曾銑傳遣子漳屬所親萬綱賂當途○按明實錄漳先  
後持金數萬託綱致之言所

楊守謙傳徐州人○按獻徵錄守謙世爲湖廣長沙人  
後徙彭城

卽日戮於市○按獻徵錄守謙督學陝西時仇鸞爲甘

肅總兵潛與賊通守謙聞而密白之中丞臺御史臺事竟寢未發其後鸞知而遂恨公切齒至是譖於世宗曰楊守謙雖勤王實按兵觀望縱賊劫掠世宗大怒逮繫詔獄法司擬戍愈怒罰治法司特旨棄市

商大節傳屢條上軍民急務○按聶豹所撰墓志云大節巡視九門時疏屢上一曰固守關廂以安重地一曰一事權肅號令以振軍威一曰急殺叛賊以救生靈一曰安插內移軍民以免飢餓而懸重賞招忠勇以固根本尤疏內所致意

又明年竟卒於獄○按聶豹所撰墓志云仇鸞卒帝憐大節忠義將釋之乃遽卒於獄與此互異

王忬傳又劾罷東廠太監宋興○按李春芳所撰墓志  
云時宋興領東廠京師莫敢誰何且有賄嚴嵩萬金  
之事忬抗疏劾之

明史攷證攬逸卷十七